



REPUBLIKA E SHQIPËRISË
BASHKIA POGRADEC
KËSHILLI

Nr. 5480/7 Prot.

Pogradec, më 06.12.2021

VENDIM

NR. 109, DATË 02.12.2021

PËR

THEMELIMIN E SHOQËRISË "QËNDRA MULTIFUNKSIONALE
POGRADEC" SH.A, DHE MIRATIMIN E AKTIT TË THEMELIMIT

Në mbështetje të; Ligjit Nr. 8417, datë 22.11.1998, "Kushtetuta e Republikës së Shqipërisë", i ndryshuar, pikës 1 dhe pikës 2 të nenit 3 "Koncepti i autonomisë vendore" dhe nenit 4 "Rëndësia e autonomisë vendore" të Ligjit Nr.8548, datë 11.11.1999 "Për ratifikimin e "Kartës Europiane të Autonomisë Vendore", Ligjit Nr.8480, date 27.5.1999, "Për funksionimin e organeve kolegjiale të administratës shtetërore dhe enteve publike", pikës 4 të nenit 25, shkronjës "d" të pikës 1 të nenit 33, shkronjës "d" të nenit 54, shkronjës "f" të nenit 64 të Ligjit 139/2015 "Për vetëqeverisjen vendore", i ndryshuar, nenet 6 -11, nenit 105, nenit 106, nenit 115, nenit 134, nenit 154, nenit 156, të Ligjit Nr.9901, datë 14.4.2008, "Për tregtarët dhe shoqëritë tregtare", i ndryshuar, nenit 32 dhe nenit 36 të Ligjit Nr. 9723, datë 03.05.2007, "Per qendren kombetare te regjistrimit", i ndryshuar, bazuar në relacioni i paraqitur dhe me propozim të Kryetarit të Bashkisë,

KËSHILLI I BASHKISË

VENDOSI :

1. Të miratojë themelimin e shoqërisë aksionare me një nivel, "QËNDRA MULTIFUNKSIONALE POGRADEC" Sh.a.
2. Të miratojë aktin e themelimit të shoqërisë, sipas tekstit bashkëngjitur këtij vendimi dhe pjesë përbërse e tij.
3. Aksionari i vetëm i shoqërisë dhe zotërues i 100 % të aksioneve është Bashkia Pogradec.
4. Efektet: Sigurimi dhe mbrojtja e të drejtave të shtetasve, që merren me edukim fizik dhe sport si dhe krijimin e kushteve të nevojshme për zhvillimin sistematik nga të gjitha moshat të edukimit fizik.

Realizimi i të ardhurave në buxhetin e Bashkisë Pogradec, nga mirëadministrimi dhe dhënia me qera të ambjenteve që shoqëria do të ketë në administrim.

5. Për zbatim E këtij vendimi dhe regjistrimin e tij pranë Qendrës Kombëtare të Biznesit, ngarkohen Kryetari i Bashkisë, Administrata e Bashkisë Pogradec dhe organet e shoqërisë.

6. Ky vendim hyn në fuqi 10 ditë nga data e shpalljes.

7. U shpall sot më datë 02.12.2021.

SEKRETARE E KËSHILLIT

Jona BOJKO

KRYETARI I KËSHILLIT

Sotirag MANGËRI



AKT-THEMELIMI
PËR KRIJIMIN E SHOQËRISË TREGTARE
"QËNDRA MULTIFUNKSIONALE POGRADEC" SH.A

Bashkia Pogradec, njësi e vetëqeverisjes vendore, me seli në Pogradec, përfaqësuar ligjrisht nga Z. ILIR XHAKOLLI, në cilësinë e kryetarit të Bashkisë Pogradec, madhor me zotesi juridike për të vepruar i identifikuar me leternjoftimin me Nr. Personal G20925210Q.

Në mbështetje të, pikës 4 të nenit 25, shkronjës "d" të pikës 1 të nenit 33, shkronjës "d" të nenit 54, shkronjës "f" të nenit 64 të Ligjit 139/2015 "Për vetëqeverisjen vendore", nenet 6 -11, nenit 105, nenit 106, nenit 115, nenit 134, nenit 154, nenit 156, të Ligjit Nr.9901, datë 14.4.2008, "Për tregtarët dhe shoqëritë tregtare", i ndryshuar, nenit 32 dhe nenit 36 të Ligjit Nr. 9723, datë 03.05.2007, "Për qendren kombetare të regjistrimit", i ndryshuar..

VENDOSI:

**Të themelojë shoqërinë "QËNDRA MULTIFUNKSIONALE POGRADEC"
Sh.a.**

Bazuar në legjislaconin shqipëtar përkatës në fuqi, hartohet akti i themelimit, i cili sanksionon krijimin e shoqërisë dhe përcakton në mënyrë të përgjithshme ndarjen e raportit të pjesëmarrjes në kapitalin e shoqërisë, organet dhe kompetencat e tyre dhe çështje të tjera si më poshtë vijon:

NENI 1

FORMA JURIDIKE, KOHËZGJATJA DHE SELIA

1.1 "QËNDRA MULTIFUNKSIONALE POGRADEC" Sh.a, është shoqëri aksionare , me një nivel, me ofertë private.

1.2 "QËNDRA MULTIFUNKSIONALE POGRADEC" Sh.a, krijohet për një kohëzgjatje të papërcaktuar.

1.3 Në të gjitha aktet që do të nxjerrë shoqëria kundrejt të tretëve apo në aktet e brendshme do të shënohet emërtimi "QËNDRA MULTIFUNKSIONALE POGRADEC" Sh.a.

1.4 Selia e shoqërisë "QËNDRA MULTIFUNKSIONALE POGRADEC" Sh.a, ndodhet në Pogradec, pranë Qendrës Kulturore "Lasgush Poradeci", Pogradec, kodi postar 7301.

NENI 2

QËLLIMI I SHOQËRISË

2.1 "QËNDRA MULTIFUNKSIONALE POGRADEC" Sh.a është një shoqëri tregtare, me qëllim fitimi, e cila synon të zhvillojë aktivitetet në Republikën e Shqipërisë ose jashtë Kufijve të Republikës së Shqipërisë.

NENI 3

OBJEKTI

3.1 Shoqëria do të kryejë aktivitetin e mëposhtëm:

- Projektimin, financimin, zhvillimin, menaxhimin e projekteve dhe veprimtarive sportive dhe kulturore, të të gjitha llojeve përjashtuar futbollin, me qëllim nxitjen dhe masivizimin e sportit ndërthurur me kulturën, krijimin e akademive sportive dhe ekipeve zinxhir.
- Dhenien ne perdorim te treteve, ruajtjen, mirembajtjen, dhe menaxhimin e objekteve qe shoqeria do të ketë në administrim.
- Çdo aktivitet tjetër ne perputhje me legjislacionin ne fuqi.
- Kryerja e pagesave te dietave, honorareve, sigurimeve dhe pagave.
- Kryerjen e te gjitha veprimeve te nevojshme për arritjen e qëllimit te shoqërisë.
- Përfaqësimin e shoqërive te ndryshme shqiptare apo te huaja qe kane objekt te njëjtte apo te përfaqërt me te kesaj shoqërie.
- Financimin e projekteve qe kane lidhje me veprimtarine e shoqërisë, të paraqitur nga shoqata të ndryshme ne territor të Republikës se Shqipërisë.

NENI 4

KAPITALI THEMELTAR

4.1 Kapitali themeltar i shoqërisë do te jete 3 500 000 (*Tre milion e peseqind mije*) Lekë, i ndarë në 350 (*Treqind e pesedhjetë*) aksione me vlere nominale 10.000 (*Dhjetë mijë*) lekë secili.

4.2 Aksionari i vetëm i shoqërisë dhe zotërues i 100 % të aksioneve është **Bashkia Pogradec**.

4.3 Aksionarët themelues i drejtohen gjykatës kompetente sipas vendndodhjes të selisë së Shoqërisë për të caktuar një ekspert të pavarur të licencuar për vlerësimin e kontributeve në natyrë. Raporti i ekspertit depozitohet në QKB-së, brenda afatit prej 6 muaj.

NENI 5

ORGANET E SHOQËRISË

Organet e shoqërisë aksionere "**QËNDRA MULTIFUNKSIONALE POGRADEC**" Sh.a", janë:

1. Asambleja e Përgjithshme.
2. Këshilli i Administrimit.
3. Administratori.

NENI 6

ASAMBLEJA E PËRGJITHSHME

6.1 Asambleja e Përgjithshme merr vendime për çështjet e parashikuara ne ligj apo ne statut.

6.2 Asambleja e Përgjithshme merr vendime pas shqyrtimit të dokumentave përkatëse, së bashku me raportin e Këshillit të Administrimit.

6.3 Mëqë shoqëria zotërohet nga një aksionar, të drejtat dhe detyrimet e asamblesë së përgjithshme ushtrohen nga aksionari i vetëm, Bashkia Pogradec, perfaqesuar ligjerisht nga Kryetari i saj.

6.4 Të gjitha vendimet e marra nga aksionari i vetëm regjistrohen në një regjistër të vendimeve, të dhënat e të cilit nuk mund të ndryshohen ose të fshihen. Duhet regjistruar në veçanti, por pa u kufizuar në to, vendimet e mëposhtme:

- a) miratimi i pasqyrave financiare vjetore dhe të raporteve të ecurisë së veprimtarisë;
- b) shpërndarja e fitimeve vjetore dhe mbulimi i humbjeve;
- c) zmadhimi ose zvogëlimi i kapitalit;
- ç) vendimet për investime;
- d) riorganizimi dhe prishja e shoqërisë.

NENI 7
KËSHILLI I ADMINISTRIMIT

- 7.1 Këshilli i Administrimit përbëhet nga tre persona fizikë si anëtarë të tij.
Emërtimet do të jenë individuale. Anëtarët e Këshillit të Administrimit emërohen dhe shkarkohen nga detyra nga Kryetari i Bashkisë.
- 7.2 Shpërblimi mujor për Këshillin e Administrimit të jetë sipas akteve ligjore në fuqi.
- 7.3 Mandati i Anëtarëve të Këshillit të Administrimit është 3 (tre) vjeçar.
- 7.4 Anëtarët e Këshillit të Administrimit janë të pavarur dhe nuk do të jenë Administratorë.

NENI 8
ADMINISTRATORI

- 8.1 Administratori emërtohet në detyrë nga Këshilli i Administrimit, për një periudhë 3 (Tre) vjeçar. Emërtimi do të jetë individual.
Administratori mund të shkarkohen në çdo kohë nga detyra, pa cënuar të drejtat që burojnë nga një kontratë pune e lidhur me shoqërinë.
- 8.2 Politikat tregtare të shoqërisë do të administrohen dhe shoqëria do të përfaqësohet nga Administratori i cili mund të ushtrojë të gjitha kompetencat e tyre në përputhje me parashikimet e statutit.

NENI 9
MBULIMI I HUMBJEVE

- 9.1 Humbjet e mundshme të krijuara nga aktiviteti tregtar i shoqërisë përgjatë një viti ushtrimor ose të mbartura, do të mbulohet nga aksionari i vetëm.
- 9.2 Mbulimi i humbjeve nga ana e aksionarit mund të kryhet përmes zmadhimit ose zvogëlimit të kapitalit themeltar, emetimit të obligacioneve ose titujve të ndryshëm, ose në çdo formë tjetër të njohur me ligj.

NENI 10
TE TJERA

Organizimi dhe funksionimi i shoqërisë aksionare do të bëhet në përputhje me dispozitat e parashikuara nga legjislacioni shqiptar në fuqi dhe nga Statuti i "QËNDRA MULTIFUNKSIONALE POGRADEC" Sh.a.

Ky akt-themelimi hartohet në pesë kopje të njëjta, nga tre flete, në gjuhën shqipe.

ASAMBLEJA E PËRGJITHSHME

(Përfaqësuar nga ortaku i vetëm, me 100 % të aksioneve, BASHKIA POGRADEC)

(Ligjërishit e përfaqësuar nga Kryetari)

KRYETARI I BASHKISË
ILIR XHAKOLLI